

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;
necnon varia summorum Pontificum Decreta, contra Moralis corruptæ
propositiones, & alia

Genet, François

Parisiis, 1703

Q. 17. Quomodo posset quis accusare in Confessione hanc Contritionis
omissionem?

urn:nbn:de:hbz:466:1-40817

De Sacramento Pœnit. Cap. V. 43

per ergo extremum diem debemus metuere,
quem nunquam possumus prævidere. Ecce
hunc ipsum diem ad inducias conversionis ac-
cepimus, & tamen mala quæ fecimus, flere
recusamus.

Quæ quidem magnam indicant cœcitatem,
& insensibilitatis speciem quamdam, ut ita di-
cam, in rebus ad salutem pertinentibus.

Ques. 17. Quomodo posset quis accusare
in Confessione hanc contritionis omissionem,
& quomodo posset exprimere numerum pec-
catorum, quæ includuntur in hac peccami-
nosa negligentia, in qua diu quis perseve-
ravit?

Resp. Dicere poterit quod commisit tale
peccatum mortale, in quo permanit tanto
tempore ex negligentia, aut nimia adhæsio-
ne, & interim relinquere Deo, eique qui ejus
locum tenet, sive Confessario illius rei judi-
cium. Nam multa necessariò remittenda sunt
ad judicium, & misericordiam Dei, præcipue
cùm agitur non solum de gravitate, sed etiam
de numero peccatorum. Unde cum Prophe-
ta Regio dicere cogimur; *Delicta quis intel- Psal. 18. vii.*
ligit? ab occultis meis munda me. David duo ^{13.}
commiserat enormia peccata, quæ toto vitæ
sua tempore deflevit, & pro quibus severam
egit Pœnitentiam; licet enim Rex esset, *Po- Psal. 68. viii.*
sui, inquit, vestimentum meum cilicum. Et ^{12.}
Psal. 34. Induebar cilicio. Denique *Psal. 108.*
Genua mea infirmata sunt à jejunio.

Et quia per annum permanit in hoc letali
statu, ait *Psal. 39. v. 15.* *Circumdederunt me*
mala quorum non est numerus, comprehende-
runt me iniquitates meæ, & non potui ut
viderem. Multiplicata sunt super capillos ca-
pitis mei.

Quare ubi Christianus homo ad eum infe-

44 TRACTATUS VI.

licitatis gradum pervenit ut deliberatè diu permanserit in peccatis mortalibus, ac neglexerit sese à tam periculo statu liberare per veram contritionem, cum Davide dicere potest: *Multiplicata sunt iniquitates meæ super capillos capitis mei*: Verum quia Deus impossibilia non jubet, sufficit, ut exprimat in Confessione peccata, quæ distinctè novit, cum circumstantiis speciem mutantibus, aut notabiliter aggravantibus, & dicat circiter tempus, quo voluntariè permanxit in statu peccati mortalis, cætera relinquens misericordiæ Dei, qui solus comprehendit gravitatem, & numerum peccatorum, quæ singulis diebus committuntur, ab eo qui immersam criminibus

S. August, in vitam agit: *Quis, inquit Divus Augustinus, numerat peccata? quis numerat iniquitates alienas & proprias? sub quo cumulo gemebat qui dicebat: Ab occultis meis munda me: & ab alienis parce servo tuo.*

Quæst. 18. Confessarius tenetur ne diligenter advertere, utrum pœnitens verum habeat dolorem de suis peccatis, priusquam eum absolvat?

Resp. Utique tenetur; quia ut diximus contritio est materia proxima Sacramenti Pœnitentiæ, & per consequens nisi Confessarius diligenter observet, si pœnitens sit contritus, exponit se periculo applicandi formam Sacramenti absque eo quod ejus materia sit præsens.

S. Th. Opusc. 2. Quia ut ait D. Thomas: *Sicut Confessor 73. De Vsuris. ostendit absolutum à Deo quem absoluit verbo, ita non debet absolvere, nisi cum viderit signa restitutionis fienda in confitente.*

Idem præscribitur in Rituali Romano de Sacramento Pœnitentiæ in quo sic legitur: *Nec absolvat eos, qui nulla dant signa doloris.*